

橫州博白貴縣興業四處而彼道亦互制于
廉若錢糧之完欠不關惟寇盜之往來是問
本爲時事起見俾脫迹之賊可終羅網是增
兵設營僅守之門庭而比例兼制乃搜其窟
穴地方其有寧宇矣

補遺

移廉州謝上表

蘇軾

宋

使命遠臨初聞喪膽詔詞溫厚亟返驚覓拜
望闕庭喜溢顏面否極泰來雖物理之有常

然昔棄今收豈罪餘之敢望伏膺知幸揮涕

無從

中謝

伏念頃以狂愚遽遭譴責荷先帝

之厚德寬蕭律之重誅投彼遐荒幸逃鼎鑊
風波萬里歎衰病以何堪烟瘴五年賴喘息
之猶在憐之者謂其已甚嫉之者恨其太輕
考圖經止曰海隅其風土疑非人世食有并
日衣無禦冬淒涼百端顛躓萬狀恍若醉夢
已無意于生還豈謂優容許承恩而近徙雖
云僥倖實有因緣此蓋伏遇皇帝陛下道本

生知性由天縱舊勞于外爰及小人之依堪
家多艱鑒于先帝之德奉聖母之慈訓擇正
人而與居凡有嘉謀出於睿斷憫臣以孤忠
援寡察臣以衆忌獲愆許以更新庶使改過
天地有造化之大不能使人之再生父母有
鞠育之恩不能全身于必死報期碎首言豈
渝心濯于淤泥已有遭逢之便擴開雲日復
覩於變之時此生敢更求榮處世但知緘默
臣無任云云

廉州府志卷之十二

知廉州府事紀錄十次襄平徐成棟纂修

同知廉州府事加三級嘉禾孫燾校正

合浦縣知縣現奉行取高陽韓三異全閱

欽州知州遼陽董紹美全閱

藝文志

廉昔訂於彝寇邑無絃誦聲然民牧噢咻見
于紀載者可採也考營建知興廢讀去思碑
使知治理其所以係人心者不論久暫不分

存歿皆弗諉也易湮者迹不朽者文志藝文

古集

海北道題名記

張士純

明僉事

海北官制相沿不可悉考然自禹巡會稽文
命已敷四海書稱弼成五服而薄海內外五
長咸建矧粵爲揚州外疆文教之揆武衛之
奮所從來尚矣秦焰旣灰趙佗稱制漢興陸
賈請說臣之始制郡守及縣令長交趾部刺
史實監之由漢迄唐類以同姓任內以異庶

姓吏於邊而亦有刺史都督於廣嶺南云迨宋珠官遴及秘知則純是以廉舉守禦則溫暘以材任而元之海北有肅政廉訪使見于范德機碑銜郎其職也明朝稽古建官益慎今巡道印章創自洪武三十五年則海北分巡之始維時開鎮雷陽轄府以四曰雷曰廉曰高曰肇及詢嶺南巡道印章創自宣德四年則又分高肇爲嶺西分巡之始其整飭備兵成化四年設副使二員分轄之成化二十

二年裁革弘治九年復設副使一員兼轄之
弘治十六年巡按御史華公璉疏奏四府壤
接徼徭機難遙制宜分設兵備以責其成廷
議官等等權易相牴牾不若并責於巡道稱
便制曰俞迺始頒專敕以分巡兼兵備而海
北移鎮廉州尋改鎮靈山是歲正德二年也
合浦之楊梅青嬰等池產珠往設內臣一員
監之窮搜橫斂民其魚矣督府都御史林公
富惻然念焉疏奏珠採有時歲費不貲不若

并責於兵道稱便制曰俞迺始頒敕以兵備
兼珠池迺詔還內臣省諸徭力以甦民困是
歲嘉靖十年也噫厥惟艱哉夫監於盜藪而
掌兵非文事兼武備弗克鑒於利藪而衛珠
非塵視珠玉而嚼然不緇者烏能蟬蛻於濁
穢哉歷考前修誠與才合克樹奇勲如毛公
吉林公錦商公大節名宦志之偉哉烈矣其
陟華躋臚漸至通顯者自翁公宴王公崇翁
公溥曾公挺以外無聞焉豈天涯海角之濱

信孤臣孽子之地懵於毀譽之途恩於心迹
之辨致然哉夫邊徼之地獷悍難制長民者
類多煦煦破觚爲圓是故胥吏之舞文積蠹
之旁午債息之侵牟強窩之通濟雖戶懸以
鞭箠終不能諭且屯兵坐食而無紀水寨空
名而鮮效貪如狼狽如羊動危之而求餉少
不厭所欲鼓譟隨之馭兵難哉且蠶人狎於
水奸商罔於利珠官惑於餌是故挾其奇贏
轉相傾煽而籠珠以覘高價凡耳目所染爭